



Inatsisartunut ilaasortaq
Hans Aronsen, Inuit Atagatiit
/MAANI

Kangaatsiami imermik pilersuineq pillugu § 37 naapertorlugu apeqquteqaammut nr. 291-imut akissuteqaat

Asasara Hans Aronsen

Kangaatsiami imermik pilersuineq pillugu ulloq 7. december 2015 Naalakkersuisunut apeqquteqarputit. Apeqquteqaatit uannut akisassanngorlugu innersuunneqarpoq.

1. Ullumikkut Kangaatsiami imeqarnikkut pissutsit naalakkersuisunit ilisimaneqarpat?

Aap, Kangaatsiami imermik pilersuinermit maannakkorpiaq ajornartorsiutit pillugit pisut Naalakkersuisut ilisimavaat.

2. Ilisimaneqarpata, piffissami kingullermi imeqarnikkut aaqqiinarneq iliutsissimangippat naalakkersuisut qanoq iliuseqalersaarpat?

Ajoraluartumik imeqarnermut pisut maannakkorpiaq pitsaasumik aaqqiissutissaqartinneqanngillat. Naatsorsuutigineqarpoq ajoraluartumik aatsaat upernaamut imermik pilersuinerup annertunerulernissaa qulakkeerneqarsinnaasoq.

Maannakkut pisunut tunngaviuvoq Nukissioffiit 2015-imi septembarip naalernerani nakkutilliinermi paasimassuk, tatsini imeqarfiusuni marlunni Kangaatsiamut pilersuiviusuni, imeq nungulersimasoq. Paasinarsimavoq erngup annikillerujussuarneranut pissutaasoq tassaasoq Royal Greenland-ip sioqqutsisumik Nukissioffinnut ilimasaarinertaqanngitsumik 2015-imi juunimi Kangaatsiami aalisakkerivimmi saarullinnik nerpiiaalluni tunisassiornermik imermik atuiffiusorujussuarmik aallartitsisimanera.

Nukissioffiit tuniniaanermut pilersuinernullu piumasaqaatai naapertorlugit atuinerup taamatut annertusineqarnissaanut akuersissummik Nukissioffinnut qinnuteqarnissamut Royal Greenland pisussaaffeqarpoq. Maannakkut Kangaatsiami imeqarniarnikkut naammaganngitsumik inissisimaneq taamaalluni Royal Greenland-ip imermik atuiffiusorujussuarmik tunisassiulerniarnernit tunngatillugu, pisussaannermit Nukissioffinnut piffissaagallartillugu attaveqarsimanginnera pissutaavoq.

Nukissioffiit tatsimut tatsinit imeqarfiusunit ullumikkut atorneqartunit 4 km-isut ungasissusilimmiittumut utaqqiisaasumik "nukinginartumik" aqqusersuusersuiniarsarisimagaluarpoq. Peqatigisaanik Royal Greenland isumaqatigiissuteqarfigineqarpoq Kangaatsiami aalisakkerivimmi imermik atuineq annikillissisagaa. Kisianni Nukissioffiit imeq erngup aqqaatigit naammattumik sukkassusilimmik kuutsissinnaasimangilaa. Imeq naammattumik sukkassusilimmik

18-12-2015
Sags nr. 2015 - 17205
Akt. nr. 1814730

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

ingerlaangikkuni, qerisarpoq. Ilaatigut aqquersuutitut imaarsaatit arlallit ikkussornerisigut, aaqqiissutissarsiniarluni sulisoqarsimagaluarpoq. Kisiannili tamanna iluatsissimangilaq, taamaattumillu imermut aqquersuutit qerilluinnarsimallutik. Taamaattumik nalliisoqarpoq tatsimit imeqarfimmu tapertaasumit aatsaat upernaamut imertartoqarsinnaalissasoq.

3. Imeqarnikkullu aaqqiisoqarnissaanut aningaasaliisariarneq pisariaqarpat

Naalakkersuisut tamatumunnga piareersimappat?

Naalakkersuisut suliaq malinnaaffigaat. Maannakkorpiaq aningaasaqarnikkut tapiissuteqarnissaq pilersaarutigineqanngilaq. Osmose atorlugu imeqarfiliq aaqqiissutissatut akisoorujussuusussaavoq, peqatigisaanillu aaqqiissutissaq taanna imermut aqquersuutip nutaap atorneqarsinnaalernissaata naatsorsuutigineqarneranit siusinnerujussuarmik piareersinnaalernaviarani.

Osmose atorlugu imeqarfik tarajuaasinnaasoq, aammalu aalisakkerivimmu sapaatip akunneranut 300m³ missaani pilersuisinnaasoq, siusinnerpaamik 2016-imi aprillimi piareersinnaasussaavoq. Taamaattumik Osmose atorlugu imeqarfimmik akisuumik pilersitsineq, piffissami Royal Greenland-ip aalisakkeriviani nerpiiaanermik ammaaqqittoqarnissaanik naatsorsuuteqarfiusinnaasumi, annertuumik sunnuteqartussaangilaq, tassami Nukissiorfiit naatsorsuutigaa imermut aqquersuutaagallartoq aqutugalugu imermik kuutsitsisarneq upernaamut aallartissinnaassasoq.

Tamatuma saniatigut osmose atorlugu imeqarfik aaqqiissutissaasussaavoq akisoorujussuusoq. Nukissiorfiit naaportorlugu pilersitsinerinnat 2,5 mio. koruunit angullugit akeqartussaavoq, taakkunanga 1,2-1,3 mio. koruunit imeqarfippiap pisarineqarneranut atorneqartussaassallutik. Ilanngutissapput imeqarfiup ingerlaavartumik ingerlanneqarneranut aningaasartuutit. Tassunga ilanngutissapput imeqarfiup ingerlanneqarneranut aningasartuutit ingerlaavartut. Nunaqarfinit 7-iusunit osmose atorlugu imeqarfeqartunit Saattut pitsaanerpaamik aningaasaqarnikkut ingerlatsiviuvoq. Imermik tunisassaionermu aningaasartuutit tassani 2014-imi annertussuseqarput 166 kr. /m³. Tamanna Kangaatsiami osmose atorlugu imeqarfimmik atuinermu aningaasartuutit annertussusissaannut periarfissatut ilusiliamut "best case"-mut aallaavittut atorneqarpat, tamatuma kingunerisaanik qaammammut 140.000 koruunit missaannik amigartooruteqartoqartassaaq, tassami tunisarsionermu akigititaq tunisinermu akigititamit qaffasinnerusussammatt.

Aalisakkerivimmi imermik atuneq annikillisinneqassasoq Nukissiorfiit aamma Royal Greenlandip akornanni ulloq 8. oktober 2015 ataatsimiinnermi isumaqatigiissutigineqarpoq. Tamatumarpiap kingunerisaanik aalisakkerivik ulloq 8. oktober 2015 aallarnefugalugu sapaatip akunneranut taamaallaat imermik 30-35 m³-imik atuisinnaasimavoq, siusinnerusukkut sapaatip akunneranut 450 m³-imik atuisarsimagaluarluni. Taamaallilluni aalisakkeriviup saarullinni qerititerineq ingerlatiinnarsinnaavaa, kisianni nerpiiasinnaanani.

Erseqqissarneqassaaq Nukissiorfiit naliliinerat malillugu Kangaatsiami innuttaasut atuinerrannut kiisalu aalisakkerivimmi ukiuunerani killilimmik imermik atuinermu naammattumik imeqartoq.

Inussiarnersumik inuulluaqqusillunga

Mala Høy Kúko